

七念端動政行一切衆生成蒙成就

八念救贖前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度克

獲上仙白日登天拜見太上未成真人雲

車羽駕和與道合真

存神燒香

香官使者左右龍虎君侍香諸靈官當令臣

早朝行道之所自然生金液丹碧芝英百靈

衆真交會在此香火爐前令臣學道得道求

仙得仙齋主受福幽顯露恩十方仙童玉女

侍衛香煙傳臣向來所啓之誠速達徑御

東極青玄老君太乙救苦天尊運明保元上

帝御前

出堂頌

回師

靈寶領教濟度金書卷之九十一

靈寶領教濟度金書卷之九十二

洞微高士關光救苦真人寶金其授

靈寶通玄私教水南先生林靈其編

科儀立成品齊用

午朝儀

燒香頌

各禮師存念如法

衛靈呪

丹靈朱火 多靈激風 赤輪剛運 天先八衝

避威包羅 交響萬方 流金豁落 摩厲滅蹤

辟奸破妖 明耀元功 金符召制 躡雲策龍

謠歌慶會 散花太空 神化明運 四極安隆

伏御帝前 罔有不恭 和與道合真

鳴法鼓二十四通

無上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣奉為奉者

以今午朝陞壇行道願得

東極青玄妙炁百寶光明下降流入臣等身

中令臣所啓之誠速達徑御

東極青玄老君太乙救苦天尊運明保元上

帝御前

請解法位

具位奉行青玄黃籙妙齋法事臣某與臨壇

官衆等謹同誠上啓

青玄祖炁虛元自然元始天尊元極大道太

上帝君太上老君東極青玄老君運明保元

尊大慈大悲救苦真人大慈大悲大惠真人

香林會中法解真人十華真人普救真人玄

中大法師三天大法師三界應感一切真靈

臣聞萬真環拱

聖日於妙巖三極版依扇仁風於長樂慈光

映虹霓之象威芒射劍戟之容名耀奎慈開

地禁而招地鬼號專救苦將天炁以制天鬼

一切之罪厄冰消十方之威神風動龜龍玄

運赫赫巖瞻臣等身佩瑤圖心繫瓊檢煙霞

獨嘯含凝二炁以爲邊日月同流乃混萬塵

而效負切切惜分之志依依進寸之心踏過  
履非幸違丹青之威令承符宣德誓彰金石  
之真忱凡有皈投理宜關告況奉詞旨敢不  
上聞

宣詞

披如詞旨備切精誠巨圖形別圓方宅陰陽  
於高厚亦分清濁定顯晦於升沈圓清為仙  
聖之都方濁乃鬼神之府北巖鬱絕中從羅  
鄧昏霧濛濛鎖綺苑於積夜迷雲鶴藹紫幽  
爽於重泉巨萬劫以酸辛歷千年而苦惱今  
齋主某痛思陰翳莫返陽靈三十六量之汰  
家執伸援手八十一天之渺莽曷克超神況  
二景之棧飛慮三途之輪轉匪由  
帝力曷拯民衆爰皈命於東儲莫流思於北  
鬱瑤臺雲傲羅黃籙之真階琅闕天開拱青  
玄之寶御禁路簇龍華之仗霄衢傳鳳蹕之  
音碧霧彌羅奏鈞天於芝陛翠霞縹緲飛寶  
篆於蘭華駕行穆穆以朝班蟻惻勤勤而奏  
對願敷陽綽為開陰塵俾萬類以需恩使十  
華而均慶以今臨午陞壇行道請法眾等謹

茲初檢上香

願此香煙騰空徑上供養

无上至真道寶臣等皈身皈神皈命首體投

地仰依

太乙救苦天尊願以是功德上資

社稷尊靈宗桃先聖伏願玉京侍聖瑤闕凝  
神忝入玄玄陰麟符而延周曆神超渺渺茂  
龍種以衍堯宗

皇帝冠帶百蠻車書萬國御雲耀彩翔文德  
於黃埃瑞露凝甘耀武功於紫塞合故燒香

自皈依  
師尊大聖眾至真之德得道之後昇入無形  
和與道合真  
以今臨午陞壇行道請法眾等謹茲二檢上

香  
願此香煙騰空徑上供養  
无上至真經寶臣等皈身皈神皈命首體投

地仰依  
太乙救苦天尊願以是功德既流齊主其九  
玄七祖億劫種親伏願風環汎景月佩飛霄

斷疑惑根悟靈源之本寂出煩惱網湛覺海

之真空亡故某業垢清爽客塵既滄青華定

籙永遊宴於福鄉朱陵登真常逍遙於道境

今故燒香自皈依

師尊大聖眾至真之德得道之後時刻昇遷

和與道合真

以今臨午陞壇行道請法眾等謹茲三檢上  
香  
願此香煙騰空徑上供養  
无上至真師寶臣等皈身皈神皈命首體投

地仰依  
太乙救苦天尊願以是功德既流齊主其伏  
願九華錫慶五福派祥芝秀蘭芳融光風於  
夏屋松茂栢悅流麗日於春臺巨等七祖九  
玄三師四友已往者騰昇紫闕陪瑤葆以朝  
元見在者凝妙黃房固瓊顏而宴樂今故燒  
香自皈依

師尊大聖眾至真之德得道之後長享自然  
和與道合真

禮方 宣誠

命魔 步虛

三啓 三禮

重稱法位

具位巨某與臨壇官眾等同誠上啓

青玄祖炁虛元自然元始天尊元極大道太

上道君太上老君東極青玄老君運明保元

上帝太乙救苦天尊十方分身應化救苦天

尊大慈大悲救苦真人大慈大悲大惠真人

香林會中法解真人十華真人普救真人玄

中大法師三天大法師三界應感一切真仙

臣聞碧落流精洞煥綠羅之界青霄御炁輝

煌香鑪之墟示法身而數若沙塵衍聖言而

明符日月冰靜波火息焰仰青極之靈光刀

化樹劍為霧破黑單之幽暗凡仰皈命必沐

留神今齋主某仰慮亡故某塵擁三官業速

六府違違塵逐似狂瀾操一葉之舟衮衮駒

馳猶峻坂走千輪之軌網常不守禁戒多違

身心口之人偽雲滋罔知三省精炁神之天

和日散莫識九思百敬變滅於彭仇四大分

離於晉豎形竟流浪茫茫夜壑之幽體羸顛

冥慘慘寒庭之苦鬼官跋蹇獄吏羈維匪由

上聖之流恩金符度命賜俾下愚之受福玉

簡升神爰開八陞之玄式象九關之峻羅數

鳳篆洗心首過於玄曹宣演龍章潔已析恩

於紫禁伏願生門洞開死戶摧殘救監生察

命之曹疾除罪簿宣移籍錄功之吏精紀善

編書名朱火之庭定字丹玄之關三生四負

齊同慈愛以優游十習六因灌沐仁恩而削

落客塵瑩潔祖炁澄清高步華林徑上大皇

黃曾之妙境遊神窈窕樹獲辭朔單鬱絕之幽

都永無執對之憂常遇太平之運蒙如丹禧

允佩玄恩上願三景高明五靈協順風雲蔽

斂草木輝華魚躍鸞飛遊生於禹迹鳳儀

默舞陶化化於虞庭三農遊夏屋以歡娛四

鄙登春臺而樂意刀山劍樹永斷羣綠炎沼

冰池俱停苦惱則上明天尊大慈之化下副

齋主皈命之誠謹啓以聞

十二願

一願大道滂泊虛元安閑空寂澄清自居廣

闊法門教導頑夫皆蒙惠澤精苦自備預

以同學普得升虛與天相保長存無憂

二願諸天結炁澄清高虛廣覆保真固靈炁

候調節四運和平國安民豐普天闡寧廣

濟一切惠遠有生保天長存億劫不傾

三願土地覆載無窮安平不陷海淪不崩保

鎮家國兆民具從養生安死惠周十方未

稼滋植管運日豐咸得厚載萬類皆從

四願日月二景高明無有字缺虧盈安清光

照諸天洞消暗冥保固劫運世祚和平普

加潤澤惠灑衆生

五願星辰與日齊光轉燭照耀朗映十方各

安其位經緯直行保鎮家國無有災傷四

海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱

則無為散則彌天神仙同居結友衆真惠

流一切興國安民普濟羣生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙官安

鎮國祚保天無終護度一切莫不仰宗

十願江海蕩蕩無極含容恢廓無細不植淵

與柔惠潤加喘息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟感化揚揚

兆庶稱慶長樂未央

十二願蜃飛蠢動已生未生咸蒙安全普得

生成皆見元氣受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令日

午朝行道之所自然生金液丹碧芝英百靈

衆真交會在此香火爐前令且學道得道

仙得仙齊主受福幽顯霑恩十方仙童玉女

侍衛香煙傳臣向來所啓之誠速達徑御

東極青玄老君太乙救苦天尊運明保元上

帝御前

出堂頌

回靜默堂

靈寶領教濟度金書卷之九十二

靈寶領教濟度金書卷之九十三

洞徹高士開光救苦真人寶金真訣

靈寶通玄弘教水南先生林靈真編

科儀立成品青玄齋用

晚朝儀

燒香頌

各禮師存念如法

衛靈呪

五星高照 瑞炁飛浮 元始集神 天地交周

玉符寶節 嘯命微幽 擲火揚威 奸兇無留

萬魔振伏 紛葩却消 摧怪伐惡 遵炁周流

神光照夜 陰翳俱收 萬神降格 扇景乘風

羣生咸遂 惠遍神州 和與道合真

鳴法鼓二十四通

無上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝闕啓玄壇天帝神君當召此間

土地里域真官正神急上關啓臣今奉為奉

意以今晚朝陞壇行道願得

第五

十六

正一天師清微弟子 洪百堅 製作  
道教學術資訊網站